

Де ся обернути – порушіня людських прав

В припаді порушіня людських прав в Словацькій републіці є можливе домагати ся своїх прав на незалежных судах Словацькой републіки, враховано Уставного суду. Окрім того був в році 2001 оснований інститут публічного охоранцю прав (ombudsman), корий як незалежный орган є участный на охороні основных прав і слобод фізичных особ і правницьких особ при діяню, розгодованю або недіяню органів публічної справы, кідь їх діяня, розгодованя або недіяня протіворечить правному порядку, або принципам демократічного і правного штату. В припаді дискримінації з хоцьякой причіны є можливе обернути ся на Словацький народный центр про людскы права.

Інформації о меджінародных органах, котры давають охорну при порушіню людських прав:

Рада Европы (РЕ) – Европский суд про людскы права

Европский суд про людскы права (ЕСЛП) контролює дотримованя Договору о охороні людських прав і основных слобод. ЕСЛП ся складать із судців волених Парламентнов громад Европы, число судців ся рівнать числу членських штатів Европы. Ёго місце перебуваня є в Штрасбургу. Ёго цілём є розгодовати, ці штаты решпектують права і заруки обягнуты в Договорі. Суд діє єдині на основі скарг, котры можуть подавати окремы особы, группы окремых особ, мімовладны організації, но і членскы штаты Европы. Як ся суд дізнає, же штат порушыв права або заруки, вынесе розсудок. Розсудкы суть завязуючі а державы, ку котрым ся односять суть повинны їх выповнити

Вецей інформацій мож найти на сайах:

- www.echr.coe.int/echr
- www.justice.gov.sk
- www.radaeuropey.sk/

Організація Споєных народів

Дакотры із меджінародных змлув, котрых змлувнов сторонов є і Словацька републіка, дозволяють окремым особам, групам окремых особ, мімовладным організаціям подавати скаргу (офіціалні ся тот інститут называє англійським словом communication) протів штату, кідь собі думают, же їх права установлены в зодповідаючій змлуві (договорі) были порушены.

Договорами, котры дозволяють поданя скаргы, а котрых СП є змлувнов сторонов суть:

- Меджінародный пакт о обчаньских і політичных правах і Опчний протокол к нёму
- Меджінародный договор о елімінації вшитых форм расовй дискримінації
- Договор протів мучіня і іншому грубому, нелюдському і понижуючому заобходжаню ці караню
- Меджінародный договор о елімінації вшитых форм дискримінації жен і Опчний протокол к нёму
- Меджінародный договор о правах особ зо здравотным постигнутём
- Опчний протокол

- Третій опчний протокол к Договору о правах дітини о процедурі ознамін
- Меджінародный договор про недобровольны ісчезнутя

Скарги окремых особ посуджують тзв. змлувны орґаны (treaty bodies) – орґаны вытворены прямо окремыма змлувами. Словацька република решпектує легітіміту наслідуючих змлвных орґанів:

- Выбор про людьскы права (HRC)
- Выбор про господарьскы, соціалны і културны права (CESCR)
- Выбор про елімінацію расовой діскрімінації (CERD)
- Выбор протів мучіня (CAT)
- Выбор про елімінацію діскрімінації жен (CEDAW)
- Выбор про права особ зо здравотным постигнутём (CRPD)
- Выбор про права дітини (CRC)

Скаргу може подати особа, котра ся находить під юрісдікціов Словацькой републикы і думать собі, же ей права ґарантованы докотрым із уведжених меджінародных контрактів ООН о людьскых правах были порушены.

Скаргу є потрібне подати в єднім із офіціалных языків ООН (анґліцькый, французскый, іспаньскый, чінський або русський). Ознаміня мусять быти в писомній формі а не сміють быти анонімны. Обыйджіня внутроштатных средств на направу є причінов неузнаня скаргы. Подаватель зосумарізує, чом собі думать, же факты, котры описав, суть порушінём конкретных статей уведженой меджінароднй змлувы о людьскых правах.

Джерело: [Міністерство заґранічных і європских діл СР](#)